

政治

于右任

于右任，字伯循，陝西三原人。前清舉人，早抱革命思想，入光復會。光緒季年，在上海任神州日報主筆，鼓吹革命學說，報被封禁。宣統元年，又創民呼報於上海，專以攻擊官場爲事。當道經于吞沒陝甘賑款，拘捕房四十餘日，驅逐出境，民呼報凡九十三日而廢，于走日本。是年秋，延談善吾續辦民呼報，出版四十二日被封。次年，與宋教仁，呂志伊等共辦民立報，銷數達二萬份，極受時人歡迎。

民國元年南京臨時政府成立，于被任爲交通次長。南北統一後，仍返滬辦民立報，抨擊袁世凱不遺餘力。二年參與二次革命，事敗，民立報被封。四年，袁世凱謀帝制，于氏參加運動反抗。後返陝西，起民軍謀逐陳樹藩，被推

爲靖國軍總司令。十年，直軍入陝，逐陳樹藩，靖國軍亦被改編，任于部胡景翼爲陝西暫編第一師師長，殊非于氏意。後于去之滬演，以實字自給，嘗謂孫中山曰：「我之胡景翼，即公之陳炯明也。」

十二年，任上海大學校長。次年，國民黨改組，被選爲第一屆中央執行委員。十四年入北京，許士英組閣，徵爲內務總長。十五年，任二屆中央執行委員。九月，馮玉祥五原誓師，于氏亦參與典禮。西安解圍後，任駐陝軍總司令。十六年，任陝西省政府主席。（因赴漢口，由石敬亭代理）十七年，任國民政府常務委員並兼審計院院長。十八年，國民黨第三次全國代表大會，復選爲三屆中央執行委員。十九年冬，繼蔡元培而任監察院院長。二十年五月，國民會議開幕，被推爲主席團之一。六月五中全會，推爲國府委員，及中央政治會議委員。十二月四屆一中全會，再推爲監察院院長。二十五年當選爲五屆中執委，後被推爲監察院院長。

于氏豐鬚髯，人多呼之爲于鬚子，工文善書，有于右任詩集行世。賦性耿介

，廉潔自持。昔直系盛時，請于氏就總統府顧問，允月送洋三千元，更頒贈一等勳章。于答這些勳章，都是給狗帶的。（見馮玉祥日記）其淡泊有如此者。民國二十五年，年五十九歲。

孔祥熙

孔祥熙字庸之，山西太古人。九歲入教會學校讀書，及長入通州協和書院。光緒二十七年，隨清廷出使大臣李鴻章赴美，隨在美留學。光緒三十二年，畢業於俄伯林大學。旋又入耶魯大學，得碩士學位。未幾返國，即在山西創辦山西俄伯林大學，開學後，孔任校長兼教授。辛亥革命時，被舉為太古縣民政長，及新軍統制。民國成立後，曾任晉督閻錫山之顧問。民國八年，山西大荒，乃組織華洋義賑會，募捐賑災。民國十一年，任魯案善後委員會顧問。十三年，受孫中山之召赴粵，任廣東財政廳長。十四年，孫中山在北京逝世，孔亦遺囑簽證人之一。十五年，國民革命軍出師北伐，孔亦隨軍出發。國民政府移至武漢後，曾被任為實業部部長。旋因寧漢失和，辭職返鄉。十六年，國府在南京成立，復被任為工商部部長。十七年四中全會後，被推為國民政府委員。十八年，被選為國民黨三屆中央候補執行委員。十九年

，農礦工商兩部合併爲實業部，孔仍任實業部長。二十年六月，被任爲國府委員。十二月，蔣介石下野，孔亦去職，旋被任爲國府委員。二十一年一月，被任爲外交委員會委員。四月，被派爲考察各國實業特使。次年四月回國，繼宋子文任中央銀行總裁。十月，復繼宋子文而任財政部長及行政院副院長之職。二十四年十一月，當選爲五屆中央執行委員。二十五年，年五十七歲。妻宋霽齡，爲孫中山夫人宋慶齡之姊。

王 瑚 (1865—1933)

王瑚，字禹功，別號鐵珊，河北定縣人。年十八，應童生試，不中，旋任教
塾，每年修金只制錢十八吊，人咸以「十八吊」呼之。二十一歲考取秀才，
二十三歲中舉人，三十歲中甲午科進士，點翰林院庶吉士。次年任四川慶
符縣知縣，五年後調署涪縣知事，嘗自寫座右銘：「萬分廉潔，只是小善，
半點貪污，便爲大惡」其持躬謹嚴，於此可見。光緒二十七年，袁世凱總督
北洋，派王赴日本考察農務，回國後奉命在保定辦理農務學堂。旋又奉四川
總督岑春煊之召，任四川營務外總辦。光緒三十年岑春煊調任兩廣總督，王
升任廣西柳州知府，又遷廣東欽廉兵備道。未幾，又至河南，任二十九軍協
統。

宣統元年，錫良總督東三省，延王任巡警局總辦，次年補授吉林伊蘭兵備道。
民國三年，袁世凱任爲湖南巡撫，未就，旋改任肅政使。袁元凱任總統時

任王爲總統府諮議，徐世昌任總統時，派王爲陝甘禁煙專使。民國九年任京兆尹，未幾復調任江蘇省長，任內提倡節儉，努力導淮，民到於今稱之。居一年政府調王爲山東省長，辭不就，隱居鄉里。民國十二年馮玉祥任陸軍檢閱使，駐南苑，延王教授左傳，易經諸古籍。十三年執政府任爲包寧鐵路督辦。十五年馮玉祥自俄國回國，在五原誓師，王又入馮幕，襄贊一切，旋被任爲陝甘考試委員長。北伐成功後，政府復任爲賑務委員會委員，黃河委員會副委員長。二十一年至北平，任輔仁大學國文系教授。民國二十二年夏，馮玉祥在張家口通電抗日，王即奔至張垣，願任殺敵前鋒。未幾病發，返平醫治，無效，於四月二十五日病歿，享年六十九歲。有子二，用騷，用驥。有女名用辭，適北大教授燕樹棠。（參看馮玉祥近代第一流廉吏王鐵珊先生）

王章祐 (1876—1934)

王章祐字叔鈞，四川華陽人。清末以諸生留學日本，入速成師範。光緒三十四年學部聘爲普通司主事。辛亥革命後，胡安瀾任四川將軍兼撫民政，薦任政務廳長，未幾又調任西川道尹。及陳宦入川，王遂去蜀，轉任教育部秘書參事諸職。民國六年任直隸省教育廳長，八年范源廉延爲教育部次長，無何又任財政部財政整理會坐辦，兼公債司司長，賴以財計著稱。國都南移，被任爲河北官產處處長。十九年任山東鹽運使，二十年轉兩淮。二十一年轉揚州稽核鹽務，兼管行政事宜。明年調任長蘆鹽運使，剔除積弊，一如其治公債時。而豪末悉以濟公，歲增國課數十百鉅萬，商無困輸，民無淡食。然亦以是積勞致病，二十三年三月病歿於北平。王持躬廉潔，不慕榮祿，其在魯任拒絕鹽規十二萬，在長蘆裁革年例三千金，均爲常人所難能。生平不嫖，不賭，不照像，號稱三不主義，歿年五十九歲。（參看華陽縣志列傳）

王士珍 (1861--1930)

王士珍字聘卿，河北正定人，北洋派元老之一。少壯肄業北洋武備學堂，與段祺瑞爲同學，同爲袁世凱所賞識。袁練兵小站，王任工程營統領，袁任山東巡撫，王任其參謀處總辦，旋擢兵部侍郎。辛亥武漢民軍起義，清廷召袁組新閣，王任陸軍部大臣。四年，任海陸軍統率辦事處坐辦。徐世昌內閣陸軍總長。五年四月，段祺瑞內閣參謀總長。六年六月，李經羲內閣陸軍總長。復辟之役，溥儀以之爲議政大臣。同年馮國璋入繼總統，十一月，復徵爲國務總理兼陸軍總長。七年二月辭職，加德威上將軍領將軍府事。十年，曾被命爲蘇皖贛巡閱，未到任。十四年，善後會議會員，軍事整理會委員長。其後即未與聞政事。十七年，奉軍退出北京，徇衆請，任治安維持會會長，北京秩序得以保持。

民國十九年四月，罹肝瘤病，醫治罔效。於七月一日，病歿於北平堂子胡同。

本寓。臨終索筆作遺囑，大意云：

予自小站練兵，迄今數十年，祇知有國有民，不知有身有家，予年已七十，孑然一身，自覺問心尚無愧怍。惟念國家前途，土匪遍地，災疫迭見，而兵戈尙無寧止之日，心實不安。深盼邦人君子，一致祈禱和平，俾統一之局，早日實現，予雖在九泉，亦所心安。家事可依予在日常例辦理，人死如烟，慎勿厚葬。予年已七十。無不可對人之事，家人須體予之志願，敦睦篤實，至囑至囑。

王氏有如夫人四，無子女，爲官以廉潔自持，遺產僅有正定原籍薄田數頃。享年七十歲。

王芝祥 (1858—1930)

王芝祥號鐵珊，河北通縣人，以名諸生講求經義，政事之學，慨然有康濟時艱之志，從之遊者甚衆。中乙酉科舉人，例選知縣，分發河南各縣，所至有聲。旋以特旨升調廣西知府，因桂省多盜，以勦匪有功，洊升監司。清室末季，朝政不綱，青年有志之士，提倡改革，於時同盟會老同志多潛入內地作秘密運動，出沒於兩粵者尤夥。王氏以平時愛惜人才，凡黨人有不得于時者，輒有以維護之。一時如黃克強，柏烈武，冷雨秋，呂公望，趙恒惕，唐葵，賡，鈕永建等，或給以資斧，令其出洋求學，或暗中保全其生命。時有護理桂撫之命，格于某督，且加以劾參，有王芝祥接近黨人，不足任封疆之語，故不得大用。辛亥武昌起義，首先反正贊助共和，即被推爲廣西都督。旋親率桂軍子弟數萬人，會師武漢。及袁項城任臨時總統，唐少川組閣時，隨赴南京改任北伐軍第三軍軍長，並兼代北伐軍總司令。黨議以王任直隸都督，

項城不允，唐遂因以去職，故終項城之世，王亦藉光養晦，藉以保身。嗣後屢經政變，或遇國內戰爭，輒奔走呼號，以和平息爭爲職志，各方均極推重，咸得王一言而解。民國十三年冬，曹錕被囚，京兆尹劉夢庚去職，京兆紳民，共擁王繼任。王年事已高，不堪繁劇，段執政乃調王爲僑務局總裁。此後乃絕口不談政治，專致力於社會慈善事業。因創辦世界紅卍字會，任中華總會會長。長江一帶及直魯豫各省縣經王手卹之卍字分會，不下數十處。每遇水旱等災，及內地戰爭，關於賑務及救濟各事，無不極力提倡，勸募賑資，一般貧苦無告之老弱婦孺，莫不知有大善士王歲老者。通州僅有住宅一所，並有薄田數十畝，家口數十輩，生活之資，常苦不繼。因年事已高，精力稍衰，乃家居教養。十九年七月，偶感不適，並無大病。一日忽召集家人至臥榻側，謂我精神已不能支，恐將不起，望轉告卍會同人，對於賑救各事，務須照常努力，對於世事，希望各方均以和平爲念，早息干戈，並無一語及私。言畢，即溘然長逝，享年七十有三。

王壽彭 (1875—1930)

王壽彭，字次錢，山東濰縣人，家素清貧，未第時，在濟南候補知府朱猛家教讀，以諸生應濰源書院試，屢獲前列。書院卷格，略同殿試卷，同應試者，見其字體之黑大圓光，咸歎異之。光緒二十九年癸卯殿試，朝廷以明年爲西后七十萬壽，欲得一名壽字者爲狀元，王遂得第一名狀元。王授職後，入進士館肄業，畢業列最優等第一名，旋實授湖北提學使。抵任後，嘗著布政使，駁駁大用，辛亥革命起，倉卒離鄂，及袁世凱任總統，以王爲狀元，任爲總統府秘書，司書寫匾額對聯之屬，不獲與聞機要，實書而不秘者也。總統慶典，而王以狀元頭銜，位置迄未更動，民國十四年，張宗昌督魯，欲延致之，因詢幕僚曰：王狀元在前清爲何官？曰：湖北提學使。張復詢提學使可方今日何官？對以差類今日之教育廳長。張因簡王爲山東教育廳長。張屬倨，喜怒無常，王委蛇其間，每與人話及提學舊事，有不堪回首之感，會山

東大學開辦，張曰：「校長須令學問好者爲之，學問最好莫過狀元，」即令王兼山東大學校長。告之曰：「山東是聖人之邦，學校中須以尊孔讀經爲要旨，我以汝爲狀元，乃飽讀聖賢書者，故以校長畀汝，其好爲之。勿令後生小子離經叛道也。」張在魯，嘗自謂武功已卓著，宜以文治緣飾之。故徇幕僚之請，以扶持舊文化自命，精印十三經等書贈人。其語王氏者，亦即此意。王唯唯從命，處理校務，動輒時乖，怨聲乃大作。十七年，革命軍入山東，其名與於張，藉餘孽之列，爲通緝令中人物之一，遂遁跡租界中。十九年一月二十三日，病故於天津，年五十六歲。

王樂平

王樂平原名者鑒，樂平其字也，山東諸城縣相州人。家本望族，科第連綿，漢族思想極富，清末棄帖括之學，入山東法政學堂畢業。醉心革命，入同盟會。光復烟台諸城，瀕於危險者屢矣。民國元年，改入國民黨，當選第一屆山東省議會議員，與官僚黨奮鬥，極努力。民國二年，省議會隨國會被解散，遊歷陝西避難，稍習政務。民國五年，省議會隨國會恢復，議員復職，當選第二屆參議院議員。六年，參衆兩院復被解散。七年，當選第二屆山東省議會議員，熱心研究新潮流。十年，赴莫斯科考察蘇俄革命成功之實蹟，回國加入中國國民黨。十一年，國會由廣東護法後，復還北京開會，補參議院議員。十二年，拒絕曹錕賄選，赴上海以後，專心黨務，不再問政治。提倡黨化教育，與丁鼎丞，陳雪南，于沐塵等，在青島辦一膠澳中校。十三年元旦，爲國民黨一次全國代表大會之代表，赴廣州出席歸來，成立山東省黨部

爲執行委員兼部長，組織黨務，整理黨務，身任艱鉅，不辭勞怨。十二月討賊戰罷，先總理孫中山先生北上，謀以和平統一中國，王任全國國民會議促成會常務委員。十四年三月十二日，先總理在北京逝世，又爲治喪職員。七月，在濟南開山東第一次全省代表大會，被選爲第二次省黨部執行委員，又爲第二次全國代表大會出席代表。時共產黨攻擊民黨甚力，張宗昌正在禍魯，黨員黨務，均極危險，與共產黨肉搏轉戰，工力悉敵，卒能制止其叛亂。又不時出外奔走，聯合討張。十五年元旦，赴廣州，出席第二次全國代表大會，被選爲候補第二次中央執行委員。三一八鐵獅子胡同之慘案，王與丁鼎丞爲全體代表當及前鋒，執政府衛隊橫槍掃射，人多自相踐踏，王肢骨受傷極重。後乃赴粵，北伐軍過衡陽，奉大本營委派爲特別軍事委員主任，合江北數省之警備隊，民團紅槍會土匪降軍，均在工作範圍以內。進行極困難，而應付合式，算無遺策，尤爲困難。王奮其銳敏之眼光，靈活之手腕，毅然大軍前進，秘密至漢口布置，悉叶機宜，雖老練軍事家亦傾服。唯以綜核

名實，款不虛糜，大爲一般工作人員所不滿。共產黨伺隙挑撥，致物議紛擾，橫逆備至，王到此知不可爲，趁此北伐軍事略爲停頓，趕將所事收束，結存款項交還，退處無權，以避兇鋒。敵黨欲得而甘心，持槍之徒，每日到門搜索，浸加辱詈。迨武漢清共，猶不即去南京，北走汴梁，服務黨政訓練所。十月至滬，與本省同人相見，一致贊助北伐。十七年出席四中全體會議，補充中央執行委員。而五全中會議，曾預備許多重要提案，未能提出。知南京黨政已無可爲，遂退居滬上，除提倡理論，以作領導外，不問中央黨政。十八年，南京舉行第三次全國代表大會後，竟下令通緝。十九年二月十八日，被持盒子砲之兇犯七名，刺殺於上海法界邁爾西愛路三一四號。